

第六八三冊

經濟彙編

食貨典

荒政部

(卷)
六—九

古今圖書集成

中華書局影印

古今圖書集成

目錄

卷一

卷二

卷三

卷四

卷五

卷六

卷七

卷八

卷九

卷十

卷十一

卷十二

卷十三

卷十四

卷十五

卷十六

卷十七

卷十八

卷十九

卷二十

古今圖書集成

中華書局影印

欽定古今圖書集成經濟彙編食貨典

第七十八卷目錄

荒政部彙考十一

宋四 乾道九則 淳熙十五則 光宗紹熙五則 寧宗慶元六則 嘉泰四則 開禧三則 嘉定十四則

食貨典第七十八卷

荒政部彙考十一

宋四

乾道元年獨振災傷諸路和糴處詔漕臣提舉往來巡按務草諸弊

按宋史孝宗本紀乾道元年春正月壬申詔兩浙振

流民以紹興流民多死罷守臣徐嘉及兩縣令二月

乙酉遣官檢察兩淮州縣振濟饑民甲辰獨兩淮災

傷州縣身丁錢絹六月丙申以兩淮守令勞徭安集

無效下詔戒飭之仍以詔置守令治所壬寅獨廣東

殘破郡縣稅賦 按施師點傳師點爲臨安府教授

乾道元年陳康伯薦賜對言歷年屢下詔恤民而惠

未加決陛下軫念惟恐一夫失所郡邑搜求惟恐財

賦不集毋惑乎日降絲綸恩不霑被細民困於倍輸

重以歲惡室且垂罄租不如期積多逋負今明堂肆

赦戶自四等以下逋自四年以前願悉除免上曰非

卿不聞此言詔從之

按玉海元年正月二十日農少張宗元言釐下供餽

歲用糧一百五十餘萬石二浙苗米不過八十餘萬七十萬皆仰收糴

按續文獻通考元年臣寮言去歲江西湖南和糴其弊非一不問家之有無例以稅錢均敷此一弊也州縣各以水脚耗折爲名收耗米什之二三此二弊也公吏卧脚百方乞覓量米則有使用請錢則有糜費此三弊也以關引償價許之還以輸官然所在往往折價至輸官則不肯受此四弊也詔逐路委漕臣并提舉往來巡按務盡和糴之意以革四弊如安坐不恤奉行簡慢必罰無赦

按江南通志元年二月癸卯以淫雨有傷蠶麥詔浙東西路災傷去處人戶合納丁錢絹減放一半

乾道二年二月丁丑振兩浙江東饑三月丁丑罷和糴五月丁卯命監司守臣預備水旱九月辛亥遣官按視溫州水災振貧民決繫囚

按宋史孝宗本紀云云 按周執羔傳執羔乾道二年復爲禮部侍郎拜尚書升侍讀上問豐財之術執羔以爲和糴本以給軍興豫凶災蓋國家一切之政不得已而爲之若邊境無事妨於民食而務爲聚斂可乎舊糴有常數比年每郡增至一二十萬石今諸路枯旱之餘蟲螟大起無以供常稅况數外取之乎宜視一路一郡一縣豐凶之數輕重行之災甚者獨之可也上粵然曰災異如此乃無一人爲朕言者即詔從之

按續文獻通考二年王職等言和糴之弊害及於民爲守令罪朝廷拋降有定數而州縣額外倍科朝廷降糴本於州縣而州縣十不支一二乞令州縣各置

場申嚴條法從之

乾道三年振諸路水旱災傷詔江浙淮閩坐倉收糴毋得強配於民富民放貸米穀只還本色取利不過五分又嘉納劉珙論和糴之弊

按宋史孝宗本紀三年六月辛卯振泉州水災八月癸亥四川早賜制置司度牒四百備振濟十二月乙巳置豐儲倉增印會子是歲兩浙水四川旱江東西湖南北路蝗振之 按食貨志三年秋江浙淮閩淫雨詔州縣以本錢坐倉收糴毋強配於民

按文獻通考三年臣僚言日前富家放貸約米一斗秋成還錢五百其時米價既平糴四斗始克償之農民豈不重困詔應借貸米穀只還本色取利不過五分

按續文獻通考三年劉珙自汝南召還初入見論和糴之弊湖南江西爲尤甚朝廷常下蠲免之令遠方之民舉手相賀曾未數月又復分拋州縣既乏緡錢將何置場收糴民間關引無用則與白著一同倘能革綱運之弊自可減和糴之數望詔止之上嘉納

乾道四年遣官賑撫荒亂饑民並降僧牒及米付災傷等處選清強官盡行檢放

按宋史孝宗本紀四年夏四月癸卯遣使撫卹蜀二州饑民爲亂者是月振綿漢等州饑五月乙丑以平州安仁縣荒旱失於蠲放致饑民擾亂守貳縣令降罷追停有差丁亥以饒信二州建寧府饑民嘯聚遣官措置振濟秋七月丁亥以經總制餘剩錢二十一萬緡格留卹蜀州以備振濟

按文獻通考四年糴本不給度牒關引只降會子品

按續文獻通考八年四川水命賑之 又按續通考八年戶部楊傑奏義倉在法惟充賑給不許他用今諸路常平義倉米斛訪聞皆是擅行侵用從來未曾稽考乞下諸路常平官限半月委逐州主管官取索五年的實放支數目仍開說逐年有無災傷檢及取給過若干并見在之數實計若干目今在甚處椿管結具保明文帳稽考施行從之

乾道九年江西旱傷蠲通負米詔與水利臣僚上救荒條畫並詔從之

按宋史孝宗本紀九年二月壬申蠲江西旱傷五州通負米 按食貨志九年八月臣僚言江西連年荒旱不能預興水利為之備於是乃降詔曰朕惟旱乾水溢之災堯湯盛時有不能免民未告病者備先具也豫章諸郡縣但阡陌近水者苗秀而實高仰之地雨不時至苗輒就稿意水利不修失所以為早備乎唐韋丹為江西觀察使治陂塘五百九十八所灌田萬二千頃此特施之一道其利如此矧天下至廣也農為生之本也泉流灌漑所以毓五穀也今諸道名山川原甚眾民未知其利然則通溝瀆陂澤監司守令顧非其職歟其為朕相丘陵原隰之宜勉農桑盡地利平糴行水勿使失時雖有豐凶而力田者不至拱手受弊亦天人相因之理也朕將即勤惰而賞罰焉

按續文獻通考九年楚州饑賜米五千石賑之台州饑命賑之是年賑饒州饑上因覽知州王矩賑濟條畫言饑歲民多遺棄小兒命付諸路收養如錢物不足可具奏來於內藏支降時臣寮言訪聞今歲旱傷

非特浙東被害如江西諸州例皆闕雨禾稻不收而贛吉二州尤甚江東之太平廣德淮西之無為軍和州多是先被水患繼之以旱自今民已艱食其間州郡或有諱言境內災傷不即申陳致失檢放條限或有雖會申聞措置賑濟事件朝廷未與行下切念救荒之政譬如拯溺救焚勢不可緩今欲從朝廷專委逐路官疾速巡歷災傷去處如委係失收不會檢放或檢放不實者仰將今年苗米依合減分數權行倚閣令候來年秋熟帶納其有和糴米斛拋降馬料及諸色科買並權與往罷一年應合賑糴賑濟去處許提舉官將一路見管常平義倉米通融撥借應副其有諸州已條畫到措置賑濟事件朝廷速降指揮庶幾官吏便可奉行百姓早被實惠詔從之

淳熙元年蠲災傷路停閣稅賦詔江西湖南路累經災傷所有第四第五等人戶合納秋苗蠲放一半

按宋史孝宗本紀不載 按續文獻通考淳熙元年宰執進呈檢放過乾道九年災傷停閣錢物浙東路自淳熙元年為始作三年帶納江東路候豐熟作兩年帶納江西路即不曾據州軍報到災傷數上曰既是災傷若與停閣稅賦亦無從出可並與蠲免如有已納數目與理充一年合輸之數是年詔江西湖南路累經災傷所有上供米斛逐年已行減放外今年雖是豐熟尚慮民力未甦所有第四第五等人戶合納淳熙元年秋苗特與蠲放一半如州縣輒敢違戾拘催許人戶越訴及不得縱容吏人作弊將第三等以下人戶減免令監司覺察按劾聞奏

淳熙二年詔諸路合賑糴賑給去處常平司預期審

度條具聞奏江西湖南所蠲秋苗詔於上供數內除豁仍禁不得敷擾

按宋史孝宗本紀二年六月戊辰賑濟湖南江西被寇州縣八月丁卯蠲湖南江西被寇州縣租稅九月乙酉振恤淮南水旱州縣

按續文獻通考二年詔諸路常平司每歲於秋成之際取見所部郡縣豐歉各及幾分如有合賑糴賑給去處即仰約度所用及見管米斛若干或有闕少合如何措置移運並預期審度施行仍須於九月初旬條具聞奏 又按續通考二年宰執進呈江西湖南昨得旨以頻年旱傷第四等第五等人戶合納秋苗特蠲一半切恐諸郡支遣不足緣此敷擾及民上曰此是特恩又所爭止七八十萬斛可並於上供數內除豁仍禁載不得輒有敷擾許人戶越訴將違戾官吏重治施行

按江南通志二年秋軍國大旱民饑賑之粟 淳熙三年振水旱州府及淮東饑從李蔡奏免關外和糴

按宋史孝宗本紀三年春正月甲寅以常州旱寬其通負之半振淮東饑仍命貸貧民種冬十月庚辰詔自今非歉歲不許蠲豁是歲京西湖湖北諸州興元府金洋州早紹興府台婺州水並振之 按食貨志三年詔廣西運司糴錢以歲豐糴市直高下增減給之

按李蔡傳蔡從倉部員外郎總領四川財賦軍馬錢糧升郎中淳熙三年廷臣上言四川歲糴軍糧名為和糴實科糴也詔制置使范成大同蔡相度以聞蔡奏諸州歲糴六十萬石若從官糴歲約百萬緡如

於經費之中斟酌損益變科糴爲官糴貴賤賤時不使虧毫忽之價出納賤量勿務取主撮之贏則軍不乏與民不加賦乃書利民十一事上之前後凡三年繫上奏疏者十有三而天子降詔難問者凡八詔如其議民既樂與官爲市遠邇謹趨軍餉坐給而田里免科糴始知有生之樂會歲大稔米價頓賤父老以爲三十年所無梁洋間繪繁像祠之擢繫守太府少卿

淳熙四年振貸諸路饑罷四川和糴以信州常平義倉關米降官放罷有差

按宋史孝宗本紀四年三月壬子貸隨郢二州饑民米五月庚子朔罷四川和糴秋七月辛丑振襄陽饑民是歲福州建寧府兩劔州水並振之

按文獻通考四年詔四川旱傷處免糴上諭執政曰聞總司糴米皆散在諸處萬一軍興而屯駐處無米臨時豈不悞事大抵賑糴未可歲循環以備凶荒積米須留於要害屯軍所在庶幾軍民皆便

按續文獻通考四年范成大奏關外麥熟倍於常年緣去歲朝廷免和糴一年民力稍紓得以從事於耕作故其效如此上曰免和糴一年民間便已如此乃知民力不可以重困也王淮奏去年止免關外今從李繫之請盡免蜀中和糴一年爲惠尤廣尚書省言信州常平義倉米元申帳狀管九萬三千餘石今次提舉司申有六萬八千餘石及至盤糧止得一萬二千九百餘石皆是虛數提舉官李唐到任已及二年並不檢察是致闕米有誤賑濟知州趙師嚴通判李桐係乾道三年到任之人所由帳狀隱蔽虛妄詔李

唐特降兩官放罷趙師嚴李桐各降兩官不得與堂除詔平江嘉興府安吉州崇德米下海其販至臨安府者毋得過羅經詔趙與權提領其事一應浙東州縣并許浦金山水軍一體遵守違者權聽按察治罪淳熙五年秋七月丁亥以歲豐命沿江糴米百六十萬石以廣邊儲

按宋史孝宗本紀云云

淳熙六年振淮東饑詔諸路以常平錢盡數糴米以備水旱

按宋史孝宗本紀六年春正月戊辰振淮東饑民三月己巳置廣西義倉辛未再振淮東饑民六月甲午建豐儲倉

按續文獻通考六年進呈荆鄂副都統郭果奏唐鄧諸處自來積穀不多襄陽府漢江以北四向美田民間多有蓄積欲密行措置於秋收之際收儲以備緩急上曰於秋成之際廣行收糴合用倉廩及收貯去處仰公共相度措置申奏是年上曰義倉米專備水旱以濟民今連歲豐稔常平米正當趁時收糴可嚴行以先降指揮催諸路以常平錢盡數糴米時諸路未有申到處故也

淳熙七年以諸路水旱蠲減賑糴

按宋史孝宗本紀七年春正月庚辰蠲淮東民貸常平錢米二月己亥出湖南椿椿米十萬石振糴未邵郴三州五月戊辰袁州分宜縣大水蠲其稅九月壬申禁諸路過糴十一月癸丑詔邊吏存恤江西過淮饑民壬申南康軍早詔出檢放所餘苗米萬石充軍糧

按文獻通考七年池州言檢放旱苗米四萬五千餘石其經總制錢二萬六千餘貫係於苗上收赴無所從出詔蠲之浙東提舉朱熹言去年水旱相繼朝廷命檢放秋苗蠲闕夏稅緣起催在前善長畏事者多已輸納其得減放者皆頑猾人戶事件不均望詔將去年剩納數目理作八年蠲豁詔戶部詳看

按續文獻通考七年姚述堯進對今歲旱傷賑恤之政當務寬大上曰國家儲蓄本備凶歲捐以予民朕所不惜 又按續通考七年三省奏去歲豐稔今歲米賤所在和糴告辦倉廩盈溢其江東路諸郡上供米初今就近赴金陵鎮江倉今兩處守臣皆云無可盛貯乞依舊發赴行在豐儲西倉

淳熙八年以水旱蠲減賑貸並詔行朱熹社會法其早傷處無錢收糴者濟以義倉米

按宋史孝宗本紀八年五月辛卯以久雨減京畿及兩浙囚罪一等釋杖以下貸貧民稻種錢六月戊午除淳熙七年諸路早傷檢放米一百三十七萬石錢二十六萬緡七月辛卯賞監司守臣修舉荒政者十六人壬辰紹興大水出秀婺州平江府米振糴丁酉嚴州水詔被災之家蠲其和買三等以上戶減半八月丙午以旱罷招軍壬子詔紹興府諸縣夏稅和市折帛身丁錢絹之類不以名色截日並令住催九月戊辰言者請自今歉歲蠲減經費有虧令戶部據實以聞毋得督趣已蠲闕之數從之冬十月甲子詔災

傷州縣論民振糴十一月甲戌以旱傷罷喜雪宴己亥振臨安府及嚴州饑民庚子再詔臨安府爲粥食饑民辛丑以淳熙元年減半推賞法募民振糴十二

月癸卯朔以徽饒二州民流者衆罷守臣官出南庫錢三十萬緡付新浙東提舉常平朱熹振糶辛亥獨諸路早傷州軍明年身丁錢物丙辰詔縣令有能舉荒政者監司郡守以名聞甲子下朱熹社倉法於諸路是歲江浙兩淮京西湖北潼川夔州等路水旱相繼發慶獨租遣使按視民有流入江北者命所在振業之按食貨志八年詔去歲江浙湖北淮西早傷處已行振糶其鰥寡孤獨貧不自存無錢收糶者濟以義米是年浙東提舉朱熹言乾道四年民聚食嘉請於府得常平米六百石振貸夏受粟於倉冬則加息計米以償自後隨年斂散歛獨其息之半大饑卽盡獨之凡十有四年得息米造倉三間及以元數六百石還府見儲米三千一百石以爲社倉不復收息每石只收耗米三升以故一鄉四五十里間雖遇凶年人不闕食請以是行於倉司時陸九淵在敕令局見之歎曰社倉幾年矣有司不復舉行所以遠方無知者遂編入振恤凡借貸者十家爲甲甲推其人爲之首五十家則擇一通曉者爲社首每年正月告示社首下都結甲其有逃軍及無行之人與有稅錢衣食不闕者並不得入甲其應入甲者又問其願與不願願者開具一家大小口若干大口一石小口減半五歲以下不預請甲首加請一倍社首審訂虛實取人人手書持赴本倉再審無弊然後排定甲首附都簿載某人借若干石依正簿分兩時給初當下田時次當耘耨時秋成還穀不過八月三十日足濕惡不實者罰嘉定末吳德秀帥長沙行之凶年饑歲人多賴之然事久而弊或移用而無可給或拘催無異

正賦良法美意胥此焉失

按玉海乾道四年戊子建人大饑朱熹居崇安請於郡得粟六百萬斛賑民是冬有年民願以粟償官因留里中而上其籍於府明年夏又請倣古法爲社倉以儲之歲一斂散既以紓民之意又得易新以藏俾願貸者出息什二歲小饑則弛半息大侵則盡獨之爲倉三經始於七年五月而成於八月既成熹爲之記淳熙八年熹將請左漕取崇安已行事宜抗奏於朝乞推而頒之諸道十一月二十八日命戶部看詳十二月二十二日從其請自是發越鎮江建昌袁潭諸邑多行之

按續文獻通考八年趙雄奏今雖米賤猶慮其無錢可糶欲行下去歲早傷州縣於義倉米內支給至三月終止上曰正合朕意遂詔去歲江浙湖北淮西路郡縣間有早傷去處已令多出楮積等米廣行賑糶今雖聞諸路米價低昂不平其鰥寡孤獨貧乏不能自存之人無錢收糶深可矜憫令州縣鎮寨鄉村抄籍姓名將義倉米賑濟務要實惠及民如州縣奉行不虔仰本路漕臣及提舉常平官覺察以聞重寘憲典又按續通考八年上宣諭輔臣曰朕緣久旱不雨曉夕思所以寬恤無事不在念今且將諸路節次泛拋招軍並與獨免

按杭州府志八年冬十一月臨安饑浙東常平使者朱熹論荒政請獨田賦身丁錢詔江浙等三十八郡並免之仍獨富陽新城錢塘夏稅賑臨安府饑民淳熙九年詔發錢米以備賑糶諸路災傷州縣賑貸獨通有差

按宋史孝宗本紀九年春正月庚寅詔江浙兩淮早傷州縣貸民稻種計度不足者貸以楮積錢三月辛未朔詔賑濟忠萬恭涪四州癸未振濟鎮江壬辰遣使按視淮南江浙振濟六月庚申臨安府蝗詔守臣亟加焚瘞秋七月甲戌以江西常平義倉及楮管米四十萬石付諸司預備振糶辛巳出南庫錢三十萬緡付浙東提舉朱熹以備振糶壬辰詔發所儲和糶米百四十萬石補淳熙八年振濟之數於沿江屯駐諸州楮管八月庚子淮東浙西蝗壬子定諸州官捕蝗之罰乙卯復賞修舉荒政監司守臣九月乙酉以錢引十萬緡賜瀘州備振糶辛卯以旱減恭合渠昌州今年酒課十月甲子獨諸路早傷州軍淳熙七年八年通賦十一月庚午振變路錢

按續文獻通考九年賑兩浙饑州饑淳熙十年以州縣災傷免和糶欠稅並除詐稱災傷籍產法江東憲臣奏請儲蓄勸分以防水旱按宋史孝宗本紀十年春正月丁丑命州縣掘蝗三月辛巳免四川和糶三年己丑除詐稱災傷籍產法秋七月丁丑詔除災傷州縣淳熙八年欠稅按文獻通考十年江東憲臣九表召入言東南民力凋弊中人家至無數月之儲前年早傷江東之南康江西之興國俱是小壘南康饑民一十二萬二千有奇興國饑民七萬二千有奇且祖宗盛時荒政著聞者莫如富弼之在青州趙抃之在會稽在當時已是非常之災吏考其實則青州一路饑民止十五萬緩及南康一軍之數會稽大郡饑民纔二萬二千而已以興國較之已是三倍至於賑贍之米粥用十五

萬井用三萬六千今江東公私合力賑救爲米一百四十二萬去歲江西賑濟興國一軍除民間勸誘所得出於官者自當七萬其視青州一路會稽一郡所費實相倍蓰則知今日公私誠是困竭不宜復有小歉國家水旱之備止有常平義倉頻年早曠發之略盡今所以爲預備之計惟有多出緡錢廣儲米斛而已又言救荒之政莫急於勸分昨者朝廷立賞格以募出粟富家忻然輸納故庚子之旱不費支吾者用此策也自後輪納既多朝廷吝於推廣多方沮抑或恐富家以命令爲不信乞詔有司施行 又按通考

十年先是戶部尚書曾懷申請妄訴災傷僥倖減免稅租許人告依條斷罪仍沒其田一半充賞至是江東運副蘇謬奏詐稱災傷止是規免本年一料稅租斷罪給賞已是適中難以拘沒其田從之

按續文獻通考十年賑京師饑

淳熙十一年蠲旱傷諸郡稅並錫米振糶以浙西江東水禁遏糶又詔義倉不得侵隱他用

按宋史孝宗本紀十一年三月甲午以上津潮陽旱

蠲其稅秋七月癸丑以浙西江東水禁諸州遏糶

按食貨志十一年福建諸郡旱錫米二十五萬石振

糶一萬石振貧乏細民

按玉海十一年九月詔義倉不得侵隱他用

按續文獻通考十一年勘會諸路州縣義倉米斛在

法合隨正苗交納惟乞賑糶今收成在即當議指揮

詔諸路提舉常平官各行下所部州軍仰隨鄉分豐

歉依條收納不得侵隱他用候歲終具舊管新收數

目申尚書省

淳熙十二年詔諸路以封樁會子置場和糶其旱傷州郡積欠官米錢物並行蠲放

按宋史孝宗本紀不載 按續文獻通考十二年臣

寮言伏見淮上州軍逐處皆有樁管米斛建康鎮江

大軍屯駐又有總司錢糧惟太平府采石鎮沿江要

害去處去歲民間艱食州郡必無儲備聞淮上去秋

成熟淮人多有載米入浙中出糶不行今秋成在近

望先次支降本錢付總領所及時和糶詔趙汝諒於

建康務場見樁管會子先次取撥一十五萬貫委官

就采石倉措置依在市時值收糶樁管是年令提領

封樁庫所支降會子一十五萬六千二百六十九貫

付淮東總領所三十二萬六千三百一十二貫付淮

西總領所三十萬貫付湖廣總領所並充今年和糶

樁管米本錢支用又詔封樁庫支降會子五十萬貫

委浙西提舉羅點和糶米二十萬石淮東總領所取

撥鎮江府見樁管會子二十九萬貫湖廣總領所取

撥鄂州并大軍庫見樁管會子共三十萬貫並就豐

熟去處置場浙西提舉就平江府置場招糶堪好米

斛仍一面取見實值開具申尚書省毋令稍有科抑

又按續通考知婺州洪邁言本州淳熙八年早歉

支降豐儲倉米五萬石賑糶內二千一百餘石係攬

載船盤剝折欠已納到六千餘貫外淨欠錢一千九

百餘貫約米五百三十餘石乞照紹興府體例蠲放

從之詔浙東提舉具到淳熙十年旱傷紹興府會稽

縣下戶借貸官米四百三十餘石特蠲放詔婺州蘭

谿第四第五等人戶淳熙八年內借過常平錢收買

稻種見欠四千九百六十餘貫可並蠲放夔州運判

楊想言本路諸州自淳熙元年至十年終所欠轉運司係省錢物皆言旱荒之後催科不行由是積欠欲將所欠錢引一萬一千五百七十五道米麥三千二百四十九石絹五百四十二疋並行放免從之淮西常平司言濠州乞除豁收糶不敷折欠米一千五百五萬石有奇係救活饑卒特詔與除放

淳熙十三年賑利州路饑詔沒官田產收租課入常

平

按宋史孝宗本紀十三年利州路饑江西諸州旱

按續文獻通考十三年賑利州路饑 又按續通考

十三年詔沒官田產合拘收租課入常平違者科罪

臣寮請約束諸路納義倉米上日亦不須得若有違

戾自當行遣今後更不降指揮

淳熙十四年賑諸路饑以宋若水請寬免江西旱傷

州軍積欠苗稅錢米

按宋史孝宗本紀十四年春正月癸亥出四川椿積

米貸濟金洋州及關外四州饑民秋七月丙辰命臨

安府捕蝗募民輸米振濟辛酉江西湖南饑給度僧

牒蠲以糶米備振糶八月辛未賜度牒一百道米四

萬五千石備振紹興府饑是歲兩浙江西淮西福建

旱振之

按續文獻通考十四年江西運判宋若水言照得本

路旱傷江州興國軍爲重乞將第四第五等人戶淳

熙十二年十三年以前積欠苗稅并第五等淳熙十

四年見欠夏稅錢帛權與停閣候將來豐熟逐旋帶

納及將江州興國軍隆興府吉贛州臨江建昌南安

軍撫州安樂縣未解本司十一年十二年錢共四萬

六千七百一十餘貫米三千二百餘石並與免解從之

淳熙十五年賑臨安饑與諸州水災司農奏廣豐儲倉積蓄從之

按宋史孝宗本紀不載 按續文獻通考十五年賑臨安府饑與諸州水災 又按續通考司農等言臣寮劄子切見豐儲倉初爲額一百五十萬石不爲不多然積之既久寧免朽腐其時緩急必失措擬乞下戶部司農等相度以每歲諸州合解納行在米數若干及諸處坐倉收糴若干預行會計以俟對兌不盡之數如常平法許其於陳新未接之時擇其積之久者盡數出糴俟秋成日盡數補糴則是五十萬石之額永無銷耗此亦廣儲蓄之策也從之

光宗紹熙元年夏四月乙酉詔兩淮措置流民

按宋史光宗本紀云云

紹熙二年命兩淮行義倉法諸路水旱州軍下詔撫諭並振之

按宋史光宗本紀二年春正月庚戌朔命兩淮行義倉法冬十月庚子下詔撫諭四川被水州軍是歲建寧府汀州水階成西和鳳四州及淮東早振之

紹熙三年振四川水旱郡縣蠲其租稅

按宋史光宗本紀三年春正月丁巳命夔路轉運使通融漕計糴米以備凶荒夏四月甲寅振四川旱傷郡縣五月己亥蠲四川水旱郡縣租賦十一月壬申振襄陽府被水貧民 按食貨志三年蠲潼川府去年被水州縣租稅又詔本路早傷州縣租稅官爲代輸及民已輸者悉理今年之數

紹熙四年振諸路水旱饑民並詔三省議行振恤

按宋史光宗本紀四年二月丙寅出米七萬石振江陵饑民六月丙申朔振江浙兩淮荆湖被水貧民八月癸丑詔三省議振恤郡縣水旱戊午振江浙西淮西早傷貧民十二月丁巳振江浙流民

紹熙五年禁遏糴軍宗即位詔振諸路水旱郡縣仍蠲其賦

按宋史光宗本紀五年二月庚戌禁湖南江西遏糴

按寧宗本紀五年七月即皇帝位八月丁未命三省議振恤諸路郡縣水旱是歲兩浙淮南江東西路水旱振之仍蠲其賦 按食貨志五年蠲廬州早傷百姓貸稻種三萬二千一百石

寧宗慶元 年以知當塗趙汝勳賑恤有方詔行其法於他郡

按宋史寧宗本紀不載 按續文獻通考慶元初趙汝勳知當塗時歲饑穀貴乃開倉散米萬斛一邑獲全事聞詔他郡依汝勳賑恤法

慶元元年以歲凶詔收養遺孩獨振貧民使者守令措置荒政並詔諸路置廣惠倉戶部右曹專領義倉

按宋史寧宗本紀慶元元年春正月乙巳詔兩浙淮南江東路荒歉諸州收養遺棄小兒辛亥以久雨振給臨安貧民五月丙午詔諸路提舉司置廣惠倉九月壬午朔蠲臨安府水災貧民賦已酉蠲白巖湖三州被災民丁絹 按食貨志元年以兩浙轉運副使沈誥言米價翔踴凡商販之家盡令出糴而告藏之令設矣 又按志元年二月上以歲凶百姓饑病詔

日朕德菲薄饑饉荐臻使民陷於死亡夙夜慘怛寧敢諉過於下耶顧使者守令所與朕分寄而共憂也乃涉春以來聞一二郡老稚乏食去南畝捐溝壑告安在耶豈振給不盡及民歟得粟者未必饑饉者未必得歟偏聚於所近不能均濟歟官吏視成而自不省歟其各恪意措畫務使實惠不壅毋以虛文蒙上則朕汝嘉 又按志元年詔戶部右曹專領義倉

慶元二年九月壬寅以四川旱詔蠲民賦

按宋史寧宗本紀云云

慶元四年臣僚奏請諸路提舉常平官講求荒政措置儲蓄

按宋史寧宗本紀四年春正月丁卯詔有司寬恤兩湖江淮荆湖四川流民

按文獻通考四年臣僚言州縣受納苗米於法義倉米合於當日支撥而因循於州用不復撥還人戶納苗稍及分數例多折納價錢其帶義倉錢並不許撥此因納苗而失陷義倉也至如紹興府人戶就行在省倉送納湖田米其合納義倉多不催理此因湖田納米而失陷也如淮浙鹽亭戶納鹽以折二稅其合納義倉多是不會拘催此因納鹽而失陷也常平失於兌換因致陳損此倉庾陳腐之弊也

常平米止許遞留一年以新納秋苗換易支遣

常平專法主管官替移無拖欠失陷方與批書離任今公然兌借陽爲自効更不補還此州縣兌移之弊也常平和糴合專置倉版今州縣多因受納以收到出剩撥歸常平倉贏落價錢此收糴官吏之弊也諸沒官產業并戶絕僧道田賣到錢數及亡僧衣鉢錢

經濟彙編食貨典第七十八卷荒政部

第六八三冊 之〇四葉

法當拘入常平州縣侵漁鮮會撥正此出賣官產之弊也若乃吏胥之祿合於免役錢內支給而所催役錢在州則主管官應副人情在縣佐以爲公用已催之數既不以供支遣又於坊場錢內撥支未嘗入以爲出如公吏差出其本身初不請常平錢乃詭名借請或元非差出而妄作緣故至於吏胥自有定額今守倅視常平錢米爲他司錢物吏額日增請給日廣常平司委而不問若夫借請在法二分剋納今或一例借欠動至數百千例不除剋此其弊不一也倘不爲之隄防懲革則儲蓄日寡荒政無備乞明詔諸路提舉常平官講求措置亟去前弊責令逐州每季以本州及屬縣收支常平義倉等錢米逐項細數申常平司不得泛言都數然後參照條法逐一審訂稍有失收支支勒令填納或有情弊必實於法

慶元五年饒信江撫嚴衛台七州建昌興國軍廣東諸州皆水振之

按宋史寧宗本紀云云

按續文獻通考五年以久雨民多疾疫命臨安府賑恤之

慶元六年詔振水旱諸州

按宋史寧宗本紀六年建寧府徽嚴衢婺饒信南劍七州水建康府常潤揚楚通泰和七州江陰軍早振之

嘉泰元年浙西江東兩淮利州路旱振之

按宋史寧宗本紀云云

嘉泰二年建寧府福州南劍道四州水仰州旱振之

按宋史寧宗本紀云云

嘉泰三年十一月庚寅復置福田居養院命諸路提舉常平司主之

按宋史寧宗本紀云云

嘉泰四年獨振水旱州縣荒歉諸州奏請不及者聽先發廩以聞

按宋史寧宗本紀四年夏四月甲辰賑恤江西水旱州縣秋七月辛未獨兩浙兩州縣通租十一月己未朔詔兩淮荆襄諸州值荒歉奏請不及者聽先發廩以聞

開禧元年江浙福建二廣諸州旱兩淮京西湖北諸州水振之

按宋史寧宗本紀云云

開禧二年罷早傷州軍租賑發貧民米

按宋史寧宗本紀二年秋七月辛巳罷早傷州軍比較租賦一年

按續文獻通考二年發米賑濟貧民

開禧三年春正月癸巳命兩淮帥守監司招集流民二月甲子振給早傷州縣貧民秋七月乙酉以災傷下詔罪己

按宋史寧宗本紀云云

嘉定元年獨振諸路饑貧流民以蝗災詔三省疏奏寬恤未盡之事

按宋史寧宗本紀嘉定元年二月壬子詔臨安府振給流民閏四月乙未獨兩浙兩州縣貧民連賦秋七月壬戌以飛蝗爲災詔三省疏奏寬恤未盡之事八月戊辰朔發米振貧民甲午發米三十萬振糶江淮流民九月壬子出安邊所錢一百萬緡命江淮制

置大使司糶米振饑民

按何異傳嘉定元年召異爲刑部侍郎五月不雨異上封事言近日號令或從中出而執政不得與聞其事臺諫不得盡行其言陛下閣念饑民藥病殞死遐荒僻壤安得實惠多方稱提不如縮造楮幣阜通商米不如稍寬關市之征嘉定二年獨振諸路荒歉民能振饑者免役有差並詔浙西監司募饑民修水利

按宋史寧宗本紀二年三月庚申命浙西及沿江諸州給流民病者藥壬戌出內庫錢十萬緡爲臨安貧民棺槨費夏四月乙丑詔諸路監司督州縣捕蝗五月辛丑申命州縣捕蝗六月己丑命江西福建二廣豐稔諸州糶運以給臨安仍償其費秋七月乙未詔荒歉州縣七歲以下男女聽異姓收養著爲令壬寅命兩淮轉運司給諸州民麥種癸卯募民以振饑免役八月丙戌發米十萬石振兩淮饑民冬十月己丑命兩淮轉運司給諸路民稻種減公私房廊白地錢什之三十一月甲午詔浙西監司募饑民修水利乙未以歲饑罷雪募

按文獻通考二年起居郎賈從熟言出粟賑濟實有常典多者至命以官固足示勸然應格需實者未有一二偏方小郡號爲上戶者不過常產耳今不必盡貴以賑濟但隨力所及或糶或貸廣而及於一鄉狹而及於一都有司核實量多寡與之死役一次少者一年或半年庶幾官不失信民必樂從從之

按續文獻通考二年獨成都府荒歉諸州民間通負嘉定三年獨振諸路荒歉百官以早蝗上封事命擇可行者以聞

按宋史寧宗本紀三年三月丁酉蠲荒歉諸州民間
逋負夏四月丙寅詔監司守臣安集泰吉一州民經
賊蹂踐者五月乙未淮東賊悉平詔寬恤殘破州縣
甲辰以去歲旱蝗百官應詔封事命兩省擇可行者
以聞癸丑以久雨發米振貧民十二月丙辰詔江淮
諸司嚴飭守令安集流民是歲臨安紹興一府嚴衢
二州大水振之仍蠲其賦

嘉定四年夏四月己丑以吳曦沒官田租代輸關外
四州旱傷秋稅

按宋史寧宗本紀云云

嘉定六年詔振湖北兩浙水旱

按宋史寧宗本紀六年閏九月己丑詔湖北監司守
令振恤旱傷是歲兩浙諸州大水振之

嘉定七年發錢米振災傷貧民真德秀奏乞停開夏
稅蠲放秋苗

按宋史寧宗本紀七年十一月丙戌命浙東監司發
常平米振災傷州縣

按續文獻通考七年出內帑錢賑臨安府貧民 又
按續通考七年江東轉運副使真德秀奏乞停開夏
稅蠲放秋苗疏曰臣聞乾德二年四月詔曰自春徂
夏時雨尚愆深恐黎民失於播殖所宜優卹俾復蘇
安一應諸道所催今年夏租委所在官吏檢視民田
無見苗者上聞並與除放紹興二十八年八月二日
詔令諸路轉運疾速行下州縣開具實被災傷頃畝
數目及合放分數以聞仰惟太祖皇帝開造我朝配
天之業高宗皇帝中興萬世無疆之基二聖一心皆
以保全民命爲本故於災傷之歲切切如此夫以四

月而蠲夏稅以八月而檢秋苗自常情觀之母乃太
早蓋救災卹患當於民未甚病之時若待其饑辛流
離然後加惠則所全寡矣爲民父母忍使至斯兩朝
詔書可爲大法今臣所陳二事如蒙聖慈降出三省
早賜施行其於公私皆有便利一則征斂既寬逃亡
必少所在田畝不至拋荒公家租賦亦免失陷二則
農人肯行播種自救其饑不致大段缺食全仰官司
糴濟三則窮窶之民粗有生理何苦輕捐其身而爲
盜賊未萌之禍銷弭尤多臣蒙聖恩畀以漕計一路
休戚之責實在臣庸敢齋沐投誠仰干天聽

嘉定八年蠲賑諸路災傷從左司諫奏下兩浙兩淮
江東西路並令雜種

按宋史寧宗本紀八年五月乙酉發米振賑臨安府
貧民秋七月癸酉蠲臨安紹興二府貧民夏稅丙子
發米三十萬石振糴江東饑民八月丁未權罷早傷
州縣比較賞罰己酉禁州縣遏糴 按食貨志八年
左司諫黃序奏雨澤愆期地多荒白知餘杭縣趙師
恕請勸民雜種麻粟豆麥之屬蓋種稻則費少利多
雜種則勞多獲少慮收成之日田主欲分官課責輸
則非徒無益若使之從便雜種多寡皆爲己有則不
勒而動民可無饑望如所陳下兩浙兩淮江東西等
路凡有耕種失時者並令雜種主母分其地利官無
取其秋苗庶幾農民得以續食官免振救之費從之
按續文獻通考八年九月詔江東監司嚴州縣被水
最甚者蠲其租

按江南通志八年春旱首種不入至八月乃雨以江
東提舉李傳道督賑行社倉法

嘉定九年罷諸路和糴科糴又詔被水州縣寬免租
稅

按宋史寧宗本紀九年春正月辛巳罷諸路旱蝗州
縣和糴及四川關外科糴六月戊申振恤浙西被水
州縣寬其租稅九月甲申詔兩浙江東監司嚴州縣
被水最甚者蠲其租

嘉定十年十一月甲申詔浙東提舉司發米十萬石
振給貧民

按宋史寧宗本紀云云

嘉定十一年賑被災貧民又從臣僚請截留稅米補
縣義倉以備賑濟

按宋史寧宗本紀十一年六月辛酉詔湖州振恤被
水貧民

按文獻通考十一年五月臣僚言頃歲議臣有請計
義倉所入之數除負郭縣就州輪納外餘令逐縣置
數自行收受非惟華州郡侵移之弊抑亦省凶年轉
般之勞曩時州倉隨苗帶納同輪一鈔今正苗輸之
州義倉輸之縣則輪爲兩輪鈔爲二鈔矣曩時鼠雀
之耗蠹吏卒之須求一切倚辦於正稅而義倉不預
焉今付之於縣既無正稅獨有此色耗蠹須求又不
能免矣於是議臣有請令人戶義倉仍舊隨正稅從
便就州作一鈔輪納而州縣復有侵移之弊臣聞紹
興初臺臣嘗請通計一縣之數截留下戶苗米於本
縣納開禧初議臣之請亦如之蓋截留下戶之稅米
以補一縣之義倉其餘上戶則隨正稅而輸之州州
得以補償其截留下戶之數州不以爲怨縣得此米
別項儲之以備賑濟使窮民不致於艱食則縣不以

爲撓一舉而三利得此上策也唯是負郭之義倉則就州輸送自如舊制至於屬縣之義倉則令丞同主之每歲之終令丞合諸鄉所入之數上之守貳守貳合諸縣所入之數上之提舉常平提舉常平合一道之數上之朝廷令丞移必批印紙考其盈虧以議殿最從之

按杭州府志十一年出米五萬石賑臨安貧民

嘉定十四年浙東江西福建諸路旱沴成階利四州水振之

按宋史寧宗本紀二云

嘉定十五年詔振江西早傷州縣又發米振臨安貧民

按宋史寧宗本紀十五年三月丁巳詔江西提舉司振恤早傷州縣十二月乙亥朔發米振給臨安府貧民

嘉定十六年發米振諸路饑又被水處詔振恤之

按宋史寧宗本紀十六年春正月辛酉命淮東制置司振給山東流民三月丁卯以道州民饑詔發米振

之九月乙巳詔江淮諸司振恤被水貧民十一月辛亥以太平州大水詔振恤之

按食貨志十六年詔於楚州所儲米撥二萬石濟山東西

嘉定十七年詔振諸路貧民知廣德軍耿秉田矯制發倉賑饑賜書褒異

按宋史寧宗本紀十七年二月甲午命臨安府振糶貧民夏四月辛卯詔廬州振糶饑民秋七月丁酉朔

命福建路監司振恤被水貧民

按續文獻通考十七年知廣德軍耿秉田因歲歉發

倉賑濟活饑民萬餘自効矯制之罪上聞之賜璽書褒異袁甫進區處流民故事曰臣竊爲區處流民之策惟富弼之法最爲簡要所謂簡要之策惟曰散處其民於下而總提其綱於上而已竊聞金陵諸邑流民羣聚皆來自淮西荷戈持刃白晝肆掠動輒殺傷沿江出兵驅之其在句容之境者軼入金壇若宣城若池陽若當塗所在蟻聚剽劫成風逃亡之卒皆入其黨江南姦民率多附和目前勢已若此冬杪春初日月尚長蔓延不已各將潰裂四出不可收拾臣愚欲乞朝廷行下督府及諸閫與凡安撫總漕諸司作急措置自一路而推之諸路由諸路而推之諸郡每處流民隨所在分之凡贍養之費惟分則易供居止之地惟分則易足此非臣之臆說也竊擇所部五州勸民出粟得十五萬斛益以官廩隨所在貯之又擇公私廬舍十餘萬區散處其人以便薪水粥之所作可謂委曲詳盡矣今日果能推行此策非但勸民出粟而已或撥上供之數或撥椿管之錢或乞科降則上下當相視如一家或請團給則彼此當聯絡爲一體而所謂團給者又不止一途而已能勞苦者庸其力有伎藝者食其業其間有爲士者則散於庠序爲商者則使之貿遷心有所繫而姦無所萌此皆分說也分之愈多則養之愈易而其要在督府制閫以及總漕諸司爲之領袖而已是故民貴乎分而權貴乎合所謂散處其民而總提其綱者正謂此也臣願朝廷使長吏任責一如青州故事流民幸甚宗社幸甚

欽定古今圖書集成經濟彙編食貨典

第七十九卷目錄

荒政部彙考十二

宋五 理宗實慶二則 端平二則
開慶一則 景定四則 度宗咸淳七則

金一 康宗一則 太祖收國一則 天輔一則
太宗天會六則 熙宗皇統三則 世宗大定二十二則 章宗明昌六則

食貨典第七十九卷

荒政部彙考十二

宋五

理宗實慶元年秋七月丁丑滁州大水詔振恤之

按宋史理宗本紀云云

按續文獻通考實慶元年滁州大水詔撥會子三千緡米千六百石賑恤被災之家

寶慶三年詔振贍獨復水災處又諸臣各議收糴利弊俱從之

按宋史理宗本紀三年秋七月丁酉詔振贍被水郡縣其竹木等稅勿復 按食貨志三年侍御史李知孝言郡縣素無蓄積緩急止仰朝廷非立法本意曩

淮東總領岳珂任江東轉運判官以所積經常錢糴米五萬石椿雷江東九郡以時濟糴諸郡皆蒙其利

其後史彌忠知饒州趙彥城知廣德軍皆自積錢糴米五千石以是推之監司州郡苟能節用愛民即有

贏羨若立之規繩加以黜陟所糴至萬石者旌擢其不收糴與擾民及不實者鐫罰庶幾郡縣趨事蓄積

歲增實爲經久之利有旨從之 又按志三年監察御史汪剛中言和糴之弊其來非一日矣欲得其要

而革之非禁科抑不可夫禁科抑莫如增米價此已試而有驗者望飭所司奉行有旨從之 又按志三

年監察御史汪剛中言豐穰之地穀賤傷農凶歉之地濟糴無策惟以其所有餘濟其所不足則饑者不

至於貴糴而農民亦可以得利乞申嚴遏糴之禁凡兩浙東江西湖南北州縣有米處並聽販鬻流通違

許被害者越訴官按劾吏決配庶幾令出惟行不致文具從之

按續文獻通考三年浙東大水汪綱發粟三萬八千餘緡錢五萬賑給之又獨租六萬餘石疲瘠頓蘇越

有經總制稅名四十一萬其中二十五則給典以來虛額也前後帥懼負殿以修奉攢官之資僞增綱據

其實以聞詔免九萬五千緡而宿弊因是著明 又按續通考三年獨給與府餘杭上虞二縣民戶折麥

一年以水災故也 紹定元年錫銀會度牒於湖廣總所令和糴米七十萬石餉軍

按宋史理宗本紀不載 按食貨志云云 按續文獻通考紹定元年資政殿學士知潭州曾從

龍奏州縣賑民之法有三曰濟日貸曰糴濟不可常惟貸與糴爲利可久今撥緡錢一千萬有奇分下潭

州十縣委令佐糴米置惠民倉乞比附常平法從之十月趙至道奏乞行下諸路漕司嚴飭和糴官吏毋

得多取增量庶民不憚與官爲市從之 紹定二年成都潼川路早詔振恤之台州水除民租

稅

按宋史理宗本紀二年五月詔成都潼川路歲旱民歉制司監司其亟振恤仍察郡縣奉令勸惰以開冬

十月壬戌詔台州水災除民田租及茶鹽酒醋諸雜稅郡縣抑納者監司察之

按續文獻通考二年進知臨安府官一等以和糴有勞也

紹定三年二月獨福建被災州縣稅租一半 按宋史理宗本紀不載 按續文獻通考云云

紹定四年從臣寮奏般運廣米應濟建劄市糴並嚴飭科糴投糴之弊其州縣折苗以下戶畸零減直折

錢 按宋史理宗本紀不載 按續文獻通考四年七月臣寮奏建劄之間秋霜害稼乞下諸司措置般運廣

米應濟市糴從之臣寮奏乞嚴飭州縣科糴及人戶投糴不即給錢多取斛面之弊其州縣折苗並依祖

宗成法止以下戶畸零減直折錢違者劾寘典憲從之 紹定五年從臣寮奏行廣糴之法飭諸道常平使者

聚州縣災傷重處即與賑恤並將見椿管米沿邊和糴 按宋史理宗本紀不載 按食貨志五年臣寮言若

將民間合輸緡錢使輸斛斗免令賤糶輸錢在農人亦甚有利此廣糴之良法也從之

按續文獻通考五年三月以陰雨詔出豐儲倉米五萬石以紓民食是年臣寮奏戒飭諸道常平使者遵

用淳熙詔令每歲敷州縣豐歉分數或災傷重處即

與賑卹不許隱蔽不實違者罪之 又按續通考五

年八月臣寮奏乞行下兩淮荆襄諸郡將見椿管米

各具實數或有侵移責令補足沿邊和羅高價招誘

不可均敷民戶嚴立資格仍與定限庶幾及時辦集

內外皆有預備詔令戶部詳度上於尚書省

紹定六年飭諸道不許遏糴並禁義倉和糴之弊

按宋史理宗本紀不載 按續文獻通考六年正月

監察御史何處久奏乞申飭諸道轉運司嚴飭所部

州縣不許遏糴如歉郡招誘各販委官告糴仍具數

上之朝廷其阻糴苛稅者令御史臺劾奏從之二月

郎官王定奏義倉爲官吏蠹耗上曰此自是民戶寄

留於官專爲水旱之備務令覺察是年趙立夫進對

畢上曰目今和糴不可緩立夫奏臣昨尹京邑蒙朝

廷委以糴事痛革吏奸遂得不擾而辦上曰奸弊多

端嚴與關防庶幾百姓樂與官爲市

端平元年發米麥百萬石濟河南新復州軍以建陽

邵武盜起臣寮請發粟賑饑

按宋史理宗本紀端平元年八月癸酉詔河南新復

郡縣久廢播種民甚艱食江淮制司其發米麥百萬

石往濟歸附軍民仍勝諭開封應天河南三京 按

食貨志元年六月臣僚奏建陽邵武羣盜嘯聚變起

於上戶閉糴若專倚兵威以圖殄滅固無不可然振

救之政一切不講饑饉所迫恐人懷等死之心附之

者日衆欲望朝廷厲兵選士盪定已竊發之寇發粟

振饑懷來未從賊者之心庶人知避害賊勢自孤可

一舉而滅矣此成周旄旌政散利除害之說也八月以

萬石振濟

端平三年詔賑恤流民並賑紹州英德府水災

按宋史理宗本紀不載 按續文獻通考三年詔有

司賑恤流民是年紹州英德府大水詔令本司多方

措置賑恤

嘉熙元年詔兩淮荆襄流民計口給米期十日竣事

以聞又詔出緡錢給被災家

按宋史理宗本紀嘉熙元年春正月甲子詔兩淮荆

襄之民避地江南沿江州縣間有招集振卹尚慮恩

惠不周流離失所江陰鎮江建寧太平池江興國鄂

岳江陵境內流民其計口給米期十日竣事以聞

按續文獻通考元年五月詔出內庫緡錢二十萬給

被災之家

嘉熙二年詔招集四川流民其真跡豐濠四郡籍強

壯者爲兵復賣田贍之又詔諸路和羅並嚴收租苛

取之禁

按宋史理宗本紀二年二月戊戌詔近覽李璣奏知

蜀漸次收復然創殘之餘緩撫爲急宜施蕩宥之澤

淮西被兵恩澤亦如之其降德音諭朕軫恤之意三

月乙亥詔四川帥臣招集流民復業給種與牛優與

振贍冬十月丁卯吳潛言宗子趙時暉集真跡豐濠

四郡流民十餘萬團結十七砦其強壯二萬可籍爲

兵近調五百授合肥宜補時暉官又沙上蘆場田可

得二十餘萬畝賣之以贍流民以佐砦兵從之十二

月戊辰詔諸路和羅給時直平概量母科抑申嚴收

租苛取之禁

傷諸路覈倉儲以備賑濟

按宋史理宗本紀不載 按續文獻通考三年詔出

封椿庫祠牒三百道下江東憲司賑饒信南康三郡

早傷之民 又按續通考三年九月以江湖浙東建

劔汀邵早傷詔諸路提舉常平司嚴所部州縣常平

義倉之儲以備賑濟仍飭制總司今後毋輒移用違

者坐之從左司諫徐榮叟請也

嘉熙四年以旱蝗詔有司振災恤刑臨安紹興並行

蠲賑

按宋史理宗本紀四年六月甲午朔江浙福建大旱

蝗秋七月乙丑詔今夏六月恆陽飛蝗爲孽朕德未

修民瘼尤甚中外臣僚其直言闕失毋隱又詔有司

振災卹刑

按續文獻通考四年詔出封椿庫緡錢三十萬賑臨

安府貧民 又按續通考四年以紹興府府餉詔獨

今年夏稅

淳祐元年詔提舉司毋得以常平侵移其義倉另項

椿收仍指上於尚書省

按宋史理宗本紀不載 按續文獻通考云云

淳祐二年詔出封椿庫十七界椿幣十萬賑贍紹興

處發水滂之民

按宋史理宗本紀不載 按續文獻通考云云

淳祐三年八月詔申嚴郡國社倉科配之禁

按宋史理宗本紀不載 按續文獻通考云云

淳祐五年秋七月辛丑鎮江常州亢旱詔監司守臣

及沿江諸郡安集流民

按宋史理宗本紀云云

淳祐六年泉州民謝應瑞出私鈔振饑詔補校尉

按宋史理宗本紀六年秋七月壬戌泉州歲饑其民謝應瑞非因有司勸分自出私鈔四十餘萬糴米以振鄉井所全活甚衆詔補進義校尉

淳祐七年八月壬寅詔監司守臣議荒政以振乏絕

租稅合蠲減者具實來上

按宋史理宗本紀云云

按續文獻通考初閩人生子貧者多不舉紹興中朱文公請立舉子倉淳祐中趙汝愚帥閩推廣其意括

絕沒之田產召佃輪租仍發糴本建倉收儲遇受孕

五月以上者則書於籍逮免乳日人給米一石三斗

至是詔賜常平錢米賑給之是年詔賞福建路監司

州郡所上官民之家濟糴者凡九人補轉官資有差

又按續通考七年鎮江府早詔兩浙轉運司檢覆

錫七萬四千石有奇

淳祐九年以陳瑄奏發帑代災傷縣輪折絲綿錢

按宋史理宗本紀不載 按續文獻通考九年陳瑄

奏蠲江東諸郡災傷發帑代三縣輪折絲綿錢五十

萬九千三百六十餘貫 又按續通考九年九月提

領戶部財用趙與篤創制新倉三百餘間貯米一百

二十萬石欲以淳祐爲名及照豐儲倉例辟官四員

從之

淳祐十年振恤被水州郡詔官司奉行和糴無得擾

民

按宋史理宗本紀十年九月戊寅以嚴州水復民田

租冬十月丁酉詔郡邑間有水患其被災細民隨處

發義倉振之

按續文獻通考十年七月上諭輔臣曰和糴本非朝廷之得已若官司奉行無擾則人戶自樂與官爲市

訪聞近年所在和糴未得朝廷拋降預行多數富室

大家臨期卒以賂免而中產下戶反被均敷之害以

至散錢則吏胥減稅納米則斛面取贏專計誅求費

用尤夥民間所得糴本每石幾耗其半其何以堪可

申嚴約束 又按續通考十年十二月詔江浙沿江

郡縣刷其流民口數於朝廷椿管錢米內賑濟仍許

於寺觀及空閒官舍居住

淳祐十一年詔諸路災傷處監司守臣多方救拯

按宋史理宗本紀不載 按續文獻通考十一年十

一月詔江東西湖南湖北福建二廣有災傷瘡痍去處

雖已賑恤猶恐州縣奉行不虔可令監司守臣體認

德意多方救拯

淳祐十二年發米振被水諸郡並遣使分行振恤

按宋史理宗本紀十二年六月癸亥發米三萬石振

衢信饑內寅嚴衢發台處上饒建寧南劍邵武大水

遣使分行振恤存問除今年田租

按續文獻通考十二年七月上諭輔臣嚴州水勢可

駭移撥之米當賑濟不當賑糶謝方叔奏衢發台亦

多漂蕩宜一體救恤是月以諸路水災遣使分行賑

恤 又按續通考十二年徐清叟奏水退之後貧民

無以爲生亦有自經溝溝者聞帥臣陳昉發椿三十

萬漕臣饒虎臣發椿五十萬米五千石以賑之乞與

除豁使知聖旨上欣然從之

寶祐元年發倉廩振溫台處水災

按宋史理宗本紀寶祐元年秋七月庚寅溫台處三

郡大水詔發豐儲倉米并各州義廩振之

寶祐二年九月丙寅詔山陰蕭山諸暨會稽四縣水

其餘今年田租

按宋史理宗本紀云云

寶祐五年詔各路監司及宣制安撫嚴督守臣主兵

官軫恤軍民務使得蒙實惠

按宋史理宗本紀不載 按續文獻通考五年詔朕

軫念軍民無異一體常令天下諸州建慈幼局平糴

倉官藥局矣又給官錢付諸管置庫收息濟貧之奈

何郡守奉行不謹所惠失實朕甚憫焉更有斃於疫

癘水災與夫歿於陣者遺體暴露又不忍聞也可行

下各路清強監司嚴督諸守臣宣制安撫嚴督主兵

官並要遵照元降指揮如慈幼則必使道路無啼饑

之童平糴則必使小民無艱食之患官藥則劑料必

真修合必精軍庫收息則以時支給不許稽違務要

公平不許徇徇庶若民若軍皆蒙實惠

開慶元年發義倉米振河北諸郡及婺州水災並詔

被兵百姓無以自存者以財粟振之又令諸路收糴

供軍

按宋史理宗本紀開慶元年五月丁巳詔湖北諸郡

去年旱潦饑疫令江陵常澧岳壽諸州發義米振糶

仍嚴戢吏弊務令惠及細民辛未婺州大水發義倉

米振之冬十月庚辰詔比者蜀道稍寧然干戈之餘

瘡痍未復流離蕩析生聚何資咨爾旬宣之寄牧守

之臣輕徭薄賦一意撫摩恤軍勞民庶底興復其被

兵百姓遷入城郭無以自存者三省下各郡以財粟

振之 按食貨志元年沿江制置司招糴米五十萬

石湖南安撫司糴米五十萬石兩浙轉運司五十萬石淮浙發運司二百萬石江東提舉司三十萬石江西轉運司五十萬石湖南轉運司二十萬石太平州一十萬石淮安州三十萬石高郵軍五十萬石連水軍一十萬石廬州一十萬石並視時以一色會子發下收糴以供軍餉

景定元年詔收糴免陪納錢以封樁庫會子充臨安平糴倉本

按宋史理宗本紀不載 按食貨志景定元年九月赦日諸路已糴義米價錢州郡以低價抑令上戶補糴正稅逃闕義米用虧常平司責縣道陪納縣道逐數吏貼保正長攬戶等人均納自今視時收糴見繫吏貼等人陪納之錢並與除放 又按志元年臨安府平糴倉舊貯米數十萬石糴補循環其後用而不補所存無幾有旨令臨安府收糴米四十萬石用平糴倉錢三百四萬七千八百五十九貫封樁庫十七界會子一千九十五萬二千一百餘貫共轉十七界一千四百萬貫充糴本錢

按續文獻通考元年上問近日京城米價賈似道奏見行賑濟以平市價此去秋成糴價必減

景定二年以州郡水災詔行荒政並詔立賞格誘人入京販糴出楮幣倉米以賑軍民

按宋史理宗本紀二年六月乙巳詔近畿水災安吉爲甚亟講行荒政九月辛酉詔湖秀二郡水災守令其亟勸分監司申嚴荒政 按食貨志二年以都城全仰浙西米斛誘人入京販糴賞格比乾道七年加優

按續文獻通考二年十月詔物價未平出封樁庫楮幣二十萬賑二衛諸軍出豐儲倉米五萬石賑都民 又按續通考二年上日遞年和糴止及民戶今歲水潦若此凡御前莊米亦照民間所科之數輸之有司以示上下一體之意

景定四年詔荆湖江西諸道仍舊和糴

按宋史理宗本紀四年六月庚申詔平江江陰安吉嘉興常州鎮江六郡已買公田三百五十餘萬畝今秋成在通其荆湖江西諸道仍舊和糴

景定五年罷一切帶義之征

按宋史理宗本紀不載 按食貨志五年監察御史程元岳奏隨稅帶義法也今杭糯帶義之外又有所謂外義焉者絹紬豆也豈有絹紬豆而可加之義乎縱使違法加義則絹加絹紬加紬豆加豆猶可言也州縣一意椎剝一切理苗而加一分之義甚者赦恩已蠲二稅義米依舊追索貧民下戶所欠不過升合星火追呼費用不知幾百倍破家蕩產鬻妻子怨嗟之聲有不忍聞望嚴督監司止許以稅帶義其餘盡罷其有循習病民者重其罰從之

度宗咸淳元年以米貴發廩平糴

按宋史度宗本紀咸淳元年閏五月乙巳久雨京城減直糴米三萬石自是米價高即發廩平糴以爲常丁未發錢二十萬贍在京小民錢二十萬賜殿步馬司軍人錢二萬三千賜宿衛自是行慶恤災或遇霖雨雪寒咸賜如上數 按食貨志元年有旨豐儲倉撥公田米五十萬石付平糴倉遇米貴平價出糴咸淳二年命分助衢州饑御史趙順孫請平糴價

按宋史度宗本紀二年六月壬午以衢州饑命守令勸分諸藩邸發廩助之 按食貨志二年監察御史趙順孫言今日急務莫過於平糴乾道間郡有米斗直五六百錢者孝宗聞之即罷其守更用賢守此今日所當法者今粒食翔踊未知所由市井之間見楮而不見米推原其由實富家大姓所至開廩所以糴價愈高而楮價陰減陛下念小民之艱食爲之發常平義倉然爲數有限安得人人而濟之願陛下課官吏使之任牛羊芻牧之責勸富民使之無秦越肥瘠之視糴價一平則楮價不因之而輕物價不因之而重矣 又按志二年以諸路景定三年以前常平義倉米二百餘萬石減時直糴之

咸淳六年詔發米振水災州縣並免田租議和糴 按宋史度宗本紀六年九月壬子台州大水冬十月己卯詔台州發義倉米四千石并發豐儲倉米三萬石振遭水家閏十月己酉安吉州水免公田租四萬四千八十石十一月丁丑嘉興華亭兩縣水免公田租五萬一千石民田租四千八百一十石 按食貨志六年都省言咸淳五年和糴米除浙西未遠住糴及四川制司就糴二十萬石楮充軍餉外京湖制司湖南江西廣西共糴一百四十八萬石凡遇和糴年分皆然 按江南通志六年十一月以蘇松大水詔免公田民田租有差 咸淳七年發米振諸路饑穀城縣尉靳不發廩詔削秩正遇糴之罪 按宋史度宗本紀七年春正月辛未紹興府諸暨縣

湖田水免租二千八百石有奇三月戊寅發屯田租穀十萬石振和州無爲鎮巢安慶諸州饑乙酉平江府饑發官倉米六萬石吉州饑發和糴米十萬石皆減直振糴戊子發米一萬石往建德府濟糴五月壬辰發米二萬石詣衢州振糴六月丙申詣暨縣大雨暴風雷電發米振遭水家瑞州民及流徙者饑乏食發義倉米一萬八千石減直振糴己酉鎮江府轉輸米十萬石於五河新城積貯丙辰撫州黃震言本州振荒勸分前穀城縣尉饒立積米二百萬斬不發陳雖嘗監貸宜正過糴之罪詔饒立削兩秩武岡軍居住戊午紹興府饑振糧萬石 按食貨志七年以咸淳三年以前諸路義米一百一十二萬九千餘石減價發糴薄收郡縣聽民不拘關會見錢收糴

咸淳八年發米振遭水府縣並減田租有差

按宋史度宗本紀八年六月丁酉以錢千萬命京湖制司糴米百萬石轉輸襄陽府積貯八月丁未紹興府六邑水發米振遭水家冬十月己亥紹興府言八月一日會稽餘姚上虞諸暨蕭山五縣大水詔減田租有差庚戌以秋雨水溢詔減錢塘仁和兩縣民田租什二會稽湖田租什三諸暨湖田租盡除之咸淳九年免旱澇處屯田租又選官互往鄰郡交納和糴

按宋史度宗本紀九年十二月丁丑沿江制置使所轄四郡夏秋旱澇免屯田租二十五萬石

按續文獻通考九年臣寮言州縣交量科糴之弊乞行下江西湖南運司各仰遵守已降指揮遵違諸郡清強正佐幕職等官互往鄰郡交納和糴不許差右

選及權豪等食謬之人充應仍各遍牒本路州軍守倅毋使奸吏生事淹滯所委之官如有違戾從御史臺覺察聞奏

咸淳十年免郡縣侵負義倉米瀛國公即位發米振災傷處並蠲田租

按宋史度宗本紀十年春正月丙申江東沙圩租米以咸淳九年水災詔減什四三月己卯免郡縣侵負義倉米七十四萬八千餘石 按瀛國公本紀十年七月癸未卽皇帝位九月戊寅發米振餘杭臨安兩縣水災餘杭災甚再給米二千石戊子免被水州縣今年田租十二月甲辰詔淮西四郡水旱去年屯田未輸之租其勿徵

金一

康宗七年己丑歲不登減盜賊徵償振貧乏者

按金史世紀云云 按太祖本紀康宗七年歲不登民多流莠強者轉而爲盜歡都等欲重其法爲盜者皆殺之太祖曰以財殺人不可財者人所致也遂減盜賊徵償法爲徵三倍民間多通負賣妻子不能償康宗與官屬會議太祖在外庭以帛繫杖端麾其衆令曰今貧者不能自活賣妻子以償債骨肉之愛人心所同自今三年勿徵過三年徐圖之衆皆聽令聞者感泣自是遠近歸心焉

太祖收國二年詔民間沒爲奴者並聽以人對贖

按金史太祖本紀收國二年二月己巳詔曰比以歲凶庶民艱食多依附豪族因爲奴隸及有犯法徵償莫辨折身爲奴者或私約立限以人對贖過期則爲奴者並聽以兩人贖一爲良若元約以一人贖者卽

從元約

天輔二年以諸謀克貧乏之民不知登耗詔具數以聞

按金史太祖本紀天輔二年七月癸未詔曰匹里水路完顏木里古渤海大家奴等六謀克貧乏之民昔嘗給以官糧置之源獵之地今歷日已久不知登耗可具其數以聞

太宗天會元年詔荒歉處免輸軍糧並聽以丁力等者贖焉

按金史太宗本紀天會元年十二月辛巳詔以咸州以南蘇復州以北年穀不登其應輸南京軍糧免之甲午詔曰比聞民間乏食至有鬻其子者其聽以丁力等者贖之

天會二年詔減東京田租市租民新附者賑之並發粟賑泰州民

按金史太宗本紀二年春正月癸亥以東京比歲不登詔減田租市租之半二月庚寅詔命給宗翰馬七百疋田種千石米七千石以賑新附之民十月甲子詔發寧江州粟賑泰州民被秋潦者

天會三年詔廣儲蓄以備饑饉

按金史太宗本紀三年十月壬戌詔曰今大有年無儲蓄則何以備饑饉其令牛一具賦粟一石每謀克爲一廩貯之

天會五年詔內地諸路賦粟備荒

按金史太宗本紀五年九月丁未詔曰內地諸路每耕牛一具賦粟五斗以備歉歲天會十年賑上京及泰州路戍邊民